

恕谷後集卷七

內邱縣儒學教諭李君墓志銘

李君諱樹碩字簡臣以選拔貢生康熙四十八年選內邱縣教諭君不自閼其官脩學宮自其邑安平置文廟祭器百餘事齎至內邑課諸生以文行暇則與之賦詩道志由是人文不變會五十年奉 旨蠲畿輔民糧乃內邱令以比歲不登多逋賦催科加亟日敲扑民鼎沸相率運坯木砌縣衙門令倉皇无措君聞急往視諭以上下大義民乃解適分巡大名道甲過內邱民聚馬首呼冤令懼私勾甲執呼冤者繫之獄且謂必有衿生唆之竄數名呈甲甲呼君讓以不能束士君憫然正色曰民填溝壑而號呼誰能禁之而安事唆之諸生何尤且碩不能束士罪也願投簪甲爲之霽威置諸生不問而去至柏鄉使人召君意情之爲邑令調停也君揖使者曰吾老矣乞休矣不長於奔走無以奉命遂告

休次年夏旋里將行之夕忽聞門外大呼且哭君驚起偵之則成碑人焚香叩送者及出郭士民攜觴泣別蠡擁馬前不得行予嘗謂官人要職惟冢宰與縣師冢宰在上位進退人才者也縣師在下位教育人才者也而今最閒無事亦惟此二職冢宰不復問選人賢否惟立簿列年分先後爲用次縣師厭厭閒坐終歲不一教士比文衡案臨造冊齎送如此則置書吏辦之皆可報稱奚事贅官乃君獨改轍造士且復留心民瘼其不合而歸宜也君先世以文行相禮游歷仕途君守身孝養爲邑人捍災患一遵先人旨躬訓諸子俱積學康熙癸巳科或謂曰諸公子文張甚而屢躋皆謄錄人潦草誤之也近有賄謄錄者盡效之君曰不可是以賄進也旣而是科謄錄賄發而子用含入穀君諭諸子曰履正不亦獲耶僥倖甯有濟耶鑒之率祖攸行無忘於戲君之守正素矣配某子五人用晦用弢用含用煦用弘女五人孫七人享年七十有二將塋也晦衰經

匍匐求銘銘曰

職之任時之宜不周而去奚其悲呼池之旁君子之藏白楊風起苟無戕兮

原任戶部郎中閻公易菴墓志銘

予年才半百而四海舊遊零落過半乃同里閨友如閻公者亦委形速化矣能無恫諸公諱中寬字公度易菴其號也世爲吾蠡新興里人少聰穎異常兒十二歲補博士弟子康熙乙卯科韓公葵主試中舉人已未成進士隨授行人司行人先是公父大來翁以義俠名聞天下公復嬗以文學家聲蔚起而公乃化倜儻爲寬厚易見事風生以退謹躬躬然侍尊長後嘗移時弗出一詞也大學士王公熙愛其新進有聲欲子畜之公曰可謂他人父耶謝不應或從與謁大學士索公額圖公曰吾拙澁不嫻走趨不往已丁母艱歸益潛心書史聞王五公先生多學安車迎之事以師禮吟咏披繡遂益富補官與淮安李學士鎧大

名袁翰林佑山東蘇中翰偉任丘龐翰林埏宛平陳處士干王結詩社著述成帙博陵顏習齋先生崛起倡周孔正學以九容齊明表裏並進治身心謂六德六行皆從六藝入以禮樂射御書數爲學塋時萍踪入都傳其說公力是之因與倡明學術者如許侍郎三禮吳都憲涵王孝廉源翰林竇克勤冉覲祖俱往還而正學亦駸駸有聞矣顧公恬於仕進以行人使江西題詩滕王閣慨拓落而返已轉刑部主事又轉員外郎晉戶部郎中皆未究其用丙戌春闈被劾彈黜者咸無恙公分房杜絕請謁乃以 殿試一卷不如式鐫職及旋里老病糾纏遂以不起悲夫公生於明崇禎十三年五月二十日卒於康熙四十九年二月七日得年七十有二父母以公貴贈奉直大夫太宜人元配張氏贈宜人出一女副室晉氏出長子鍵廩饒生員繼配蔣氏封宜人出子鏞增廣生員入國子監又出銓增廣生員蔣宜人又出二女孫七人於其卒歲也將葬里東之

祖阡求銘於予予少年厲角戴鉞立欲馳驅寓內及見公醇醇恭謹積學疆識而不知名譽爲何物爲之退然自斂又典故有遺忘者詢公輒歷歷指其巔末而學有助乃今俱不可復也烏忍不銘銘曰
余德之儉余學之涼時鑿壁鄰借照其行迺公長於古短於今以不沛其霑而佳城是函吁嗟乎醇醪大樽問十得五奕禩窺此尙款起起

趙室蔣孺人墓志銘

永平府府學教授趙君晉升之妻蔣孺人以康熙四十四年十月卒於官署其子扶柩歸滿城抵四十六年冬厝之先原句志銘於予言孺人十七歲歸趙君善事舅姑撫前室六歲子灝如己出相夫勤儉教諸子成名有節度今儵帥以逝予聞之不覺淚涔涔下作而歎曰孺人之所自來何可沒也蓋忠孝節義之感人甚矣哉孺人者吾蠡崇禎戊辰進士戶部山西郎中蔣公範化孫女而庠

生爾恂之女也戊寅範化家居守蠡城死於兵爾恂抱父屍大慟已而畫父像已帶劍立其側朝夕哭拜必祝曰父无恫兒必尋父讎報之後偵知殺父者爲某汎卒丁亥紮眾入蠡城捕汎卒磔而祭其父東走河間衆潰遁去當是時爾恂方二十三歲娶孺人母李氏爲高陽李文敏公族女祖父皆科甲顯宦而少婉孌成童執巾櫛羞澀恭謹不敢仰視爾恂方蓄力學技擊氣嶽嶽忼慨有爲於妻子未嘗一狎視也丁亥二月遂電掣雷馳天涯生死永隔踰一月李氏產孺人去于歸不及一週也嘗撫孺人泣曰汝父丈夫也吾今追憶汝父面目皆恍惚不可省識第而父執大義吾當執節報而父閉戶紡績以給饘粥今年垂八十白髮蕭蕭惟撫此女猶毅然時訓以婦道不作兒女態而今孺人且復先母逝矣嗚呼其可悲也孺人享年五十九歲子三長卽灝前室劉氏出乙丑進士原任弋陽縣知縣娶某氏仲漪孺人出貢生娶某氏季溶孺人出庠生娶某

氏女幾孫幾嗟乎孺人烏可不銘銘曰

距躍叶闔不周東仆陽窮陰燦支機毓玉瀉波蜺灑襟裾滄渤赤羽白練割雲
銑鏑剗胸酌酒九原笑作黃塵萬里安知衿櫛款茲婺曜呱呱泣血持踵吾息
百年冰雪瑩瑩沆瀣母女嬪轍井臼積勞膝前告訣攢劍束鋤郎峯則劣葡萄
延來如覩鳴鏑嗟竊其中鶴髮淒冽奕禩忠孝賄此銘揭

安平崔君聞遠墓志銘

世稱世家必曰江東王謝河北崔盧崔著土爲博陵安平自漢以迄唐季簪纓
閥閱蟬聯鵲起其後少衰凌播越矣抵前明而安平之崔氏復著今康熙五十
三年嘉平崔子堉來求其尊人墓志予幼卽聞安平有崔文學亮遠者與祁陽
刁文孝先生講學兼以餘力治岐黃術聲施遠邇崔子之父則其次弟也按狀
諱甲鎰號聞遠亦講學杜門掃軌課子弟誅茅三間蒔花木盎畜金銀魚數尾

曳杖頽仰曠如也子弟或事詩賦輒付火曰勿啟囂張業農商者必戒以勿苟得率內子事父仲藏公孝內子同邑劉翁思明女仲藏公飲食必以內子羹他人代之仲藏公咽不甘也母蘇得沈疴君晝夜侍湯液抑搔十餘年如一日繼母宋病瀉三載厠牖衾衣污穢必內子親滌晚年爲名山遊至五臺遇虎同行者震伏虎目君踐巡而去人以爲孝感仲藏公病彌留曰吾舊家也歷傳有銅鳴蟬古銅鎖瑪腦枕資劉婦醺爾孝初明永樂間遷大甯衛小興州人於內地或曰小興州崔卽安平之崔所播還也始祖文明徙河南中牟曰非吾故也改北轅籍安平城西之黃風里遞傳七世祖崗山西岢嵐州學正六世祖文進陝西保安縣知縣五世祖俊山西絳縣主簿已挂冠歸授生徒崔族科第蕃衍率出其門高祖承祀嘉靖辛卯科舉人曾祖璵萬曆乙卯科經魁任河南淇縣知縣再調湖廣竹溪祖向學萬曆戊子舉人江南寶應縣知縣父昂卽仲藏公也

國子監監生博學彊識李自成陷京師各州縣俱署僞官同兄山海關遊擊晟弟附監生昴罵僞官謀起義旅僞官鉤鉅盜斃晟昴仲藏公跳身走及興朝定鼎聞其義召以官仲藏公慟兄弟偕亡辭不就故崔君仰體父志與兄亮遠弟穎涵分甘連裾讀書共樂至語以帖括舉子業掉頭不屑也子四人長均武庠生次墉庠生次墩次卽墉庠生女一孫四人曾孫二人崔君卒於康熙四十一年十二月距生享年六十九歲已葬其里之祖兆矣抵今年六月配劉氏卒得年八十二將合壙乃爲之銘銘曰
是惟公侯之後必復其始博陵馬鬣熊熊燭天不在貌公禮侯而在剗跡埋名之崔仲氏

委攝四川仁壽峽江兩縣知縣陳君墓志銘

予以康熙辛巳入都持周孔三物四教之學告人吳石門公爲予梓大學辨業

一時傳爲創論凡海內有聲士無不過從者富平陳子四如其一也陳子豪於詩酒每飲白輒慷慨欲有所建豎於世甲申溫子德裕令鄆城力延予衍學論政時其幕中乏人予因薦陳子同往次歲予辭去而陳子亦旋偕廣西巡撫梁公而南己丑夏富平楊令三促予榻其署歲暮去今年二月迫延復西秋仲正趣裝東返而陳子適自粵西抵里來晤別已六年入門匍匐曰如兩間罪人也先君敦氣節經濟康熙十八年從勇略將軍趙良棟征吳三桂復四川積功題委成都府仁壽縣知縣又以會兵進滇黔倚先君才料理軍需委受嘉定州峽江縣及將軍保題部授再三疏未下而先君於康熙二十年八月卒矣不肖飄零南北藁葬哀鳴今歸將謀禮厝願以志累吾子嗟乎昔李廣能衝陷折關漢文帝嘆曰惜乎子不遇時如今子際高祖世萬戶侯豈足道哉陳君當三藩叛亂可以叱咤風雲立建偉績而僅偃蹇委理縣務賡志而折矧今中外安枕剗

高塞深而欲於人簿書期會之餘行其迂古政學者何也陳君諱正試號公庵得年三十七歲元配陳氏生一子卽四如繼配張氏生子四表將以某年月塋某原爲之銘銘曰
才則儲時則須乃良行跛不舒矧無痛呻而進火齊哇哇其吐

劉君來獻墓志銘

雍正二年閏四月安平劉君來獻以七十歲卒抵秋杪其子廷傑匍匐下求塋墓之文予悲焉君世系詳予前撰劉氏家譜序及諸墓表內君生而醇龐爲諸生有聲能承二人意父化吾翁病事之數月衣不褫帶母馬太君年邁畏暑躬負之陰一日數移柳搔痛癢無倦色弟其姊生死爲之謀自用儉而尙施與隆禮師友持家不許僧尼往來男子不許晝處內婦女無故不踰梱教子姪基以小學夜訓女口授女經見人非禮至垂泣誨焉立家訓如戒賭博急輸將等

二十二則以顏習齋先生教禮樂射御書數命傑文武兼習學院陳公世倌取其武補庠生予念堯舜湯文傳道於上尙已孔子始傳道於下得其傳者惟顏淵而早卒文學躬行僅餘分統孟子弟子則無所傳今習齋先生崛起而復周孔正學一時過從者多有劉君僅於會過一識面而其後心竊私淑謂學莫先於禮禮莫重於祭倣習齋置齋戒牌虔供春秋立祠堂修家譜樹墓碑又二八月上辛從祀習齋亦得先生之一體者不幸承乏如堪號呼天下已半生而或興於前墮於後明之從暗之移屈子曰蘭芷變而不芳兮荃蕙化而爲茅王五公詩云奕碁世事輸先著燕幕身謀悞後生每誦之未嘗不泣然流涕也嗟呼日月上山河在下斯道竟委之荒煙蔓草乎聾聽跛行乾坤曷底矧於老成又去一个雖欲不銘之不可忍已君諱琛元配高氏繼趙氏又李氏又深州趙氏庭傑母也又尙氏傑娶同邑舉人王公磊女女二人孫二曰蕃曰蔚孫女二

銘曰

斯人之逝兮斯道之悲姑厝君於吉壤而延佇乎天衢

侍贈淑人田室趙氏墓志

氏肅甯廩膳生趙君爾璧之女辛卯科武舉人田生斌之妻也生於康熙某年月日卒於某年月日年二十九歲有子二人長玉麟方七歲次石麟六歲一女方二歲氏卒後其夫狀其行其舅興平公走人來問曰兒婦賢而早折可志否予曰可也按狀氏病姑亦病氏每以不能侍湯藥爲憾禱神求以身代得母家物必獻姑姑不受長跽以請奴婢或不恭曰此我舅姑家人我不得辱詈也弗校是不亦賢乎哉當己丑歲予西遊秦興平公延至署命其四子俱拜從遊予辭謝曰下走固不足爲師且流寓一二日卽他逝何以從爲是虛節也公曰不然使諸豚兒知先生其師也無亦悚惕乎其益不已多乎四子皆業文二郎斌

兼通武予因率之入長安從何萬鍾蔡瑞生學射遂造工巧比鄉試果射標中雋以顯名於時爲人慷慨英多橋梓間皆賢而加人一等矣乃以夫之賢而哀而狀之舅之賢而欲志之氏之賢可知也爲之志固宜

棗強戴氏先塋碣銘

康熙己巳壬申間有巡撫吳楚不避強禦獄獄樹政績者棗強鄭中丞也其內助爲戴夫人丙戌予與其公子交皆廩廩敦謹讀書志四術六藝諸學登堂知夫人獨存持家棟嚴守義方疑其母家亦赫奕相配云今歲二月長公子知寵拜手予曰家母於外家有隱恫焉外家先世本素封抵外曾祖有恆禮部儒士早逝室李氏外祖母君貺入武庠棄去復入文庠倜儻好施稱長者外祖母韓氏產家母十日卽亡祖母李育之後外祖以嗜酒結客產中落子璿與家母同出次禮次璿次璣繼劉氏出璿補諸生亦嗜客痛飲性無城府與人語洞達肺肝

往往直啟其機緘弗顧也子三人召聘淵落拓不偶瑱子三璣一家母已經營
厝外祖父子二世於新阡又以青烏家言改葬戴氏先兆之次家母每念外曾
祖母鞠育恨母未得侍欲問其遺業而蕭然盡矣語及不知屑涕之何從也今
將伐石矗其墓思曾鞏言碑銘必求足以傳世行後者敢以辱予聞之泣下馬
外大父斌前明世襲錦衣衛指揮使滄桑變踰踰走易州以卒無男子遺生母
幼歸先孝慤傳聞易有族人乃尋覓之荒村歷歷未有省識今戴氏幸多孫井
里依然又何憾哉少讀詩至長發闕宮諸什疑之謂商周皆出帝嚳何以不追
崇功德而專本之簡狄姜嫄且二妃德積淳化其子姓皆貴盛碩衍至今散布
人間而邵與有城披閱姓氏不可考東南有窰西北或缺抑又何歟或鍾於三
男或鍾於三女乾坤變化之妙也一以尊嚴父一以首先妣聖人制禮之精也
非遠覽幽通何以與聞哉願戴與鄭之子若孫一有克奮皆足以光戴氏而慰

夫人之念矣於是爲銘銘曰

春秋戴鄭實繫相依爲戴見伐鄭取三師奚曰傾頤奚曰霍靡陰陽相燼皆可復始黃瀘之湄有鬱其阡鑣茲貞珉奕禩眎旃

可母岳氏墓碣銘

氏出曷繫之可志可也無子曷稱母有母之者母也疇母之繼妻子也子與父之先出者情絕何以母出仍志可則母也氏岳姓安平王官屯人歸可子仁言患羊角瘋可子以禮去惡疾出之返母家數年瘉而可子已再娶或勸改適氏不應闢以鍼縫遍縫衽衣及履投井死母家葬之屯東北里許可子好學從習齋顏先生遊因識予年六十補諸生來拜言其出妻之節謀將鼓吹往祭而曰吾再娶已出四子長肆簡次肆箴諸生又次肆箴又次肆節夙命清明十月朔日必往祭出妻墓盡子道擬遷祔可塋而禮無其文卽其地立碣志之可乎予